

Prufissori

A ghjurnata di Paulinu

Liveddu : A2

Parlata : Gravona, Taravu, Bastiacciu

Durata : 3'58''

.U filmettu: 3'58 ''

1. Principia a ghjurnata. : 0'32''
2. I dui amichi si ritrovani davant'à a scola : 0'48''
3. Hè compia a ghjurnata : 0'32''
4. Eccu ci in paesi ! : 0'49''
5. Una stundetta trà maschi : 0'37''
6. In famiglia : 0'09''

Scopi cumunicativi

- Parlà di a so ghjurnata, i so attività...
- Prima l'ora
- Prima u tempu chì passa
- Assistà un spartitempu

Sfruttera pidagogica :

.Capiscitura:

U prufissori si pudarà ghjuvà da l'esercizii interattivi.

1. Glubali :

. À i sculari li si dumanda di dì tuttu ciò ch'eddi poni nantu à u filmettu (paroddi, pezzi d'infrasati, situazioni...). À pocu à pocu si ghjugni à una discrizzioni fundia di u cuntestu è di i situazioni.

2. À pezzi :

- . Pà ogni parti si pò dumandà à i sculari di truvà un titulu.
- . I sculari ripetini u più paroddi, pezzi d'infrasati o infrasati pussibili.
- . U prufissori faci i dumandi pricisi : « quali ci hè quì ? », « quantu ci hè parsoni ? », « comu si chjamani ? » ecc...

.Sprissioni

.I sculari rifacini a passata à menti (si scegli una parti o dui di u filmettu). A poni rifà mittendu ci l'elementi parsunali.

.I sculari cercani di trascriba uni pochi d'infrasati in a so varietà.

Lessicu :

-A ghjurnata : l'alba, a mani, meziornu, u dopu meziornu, a sera, a notti. À l'albori, a matinata, di matinata, (à) l'abbrucata/l'attrachjata, a sirata, a siratina/siritina, di sirata, a nuttata.

-I ripasti : u sdighjunu, a cuddaziò/cullazione, u visparinu/vesperinu, a cena, u spuntinu.

-I marcadori di u tempu : nanzu, avà, dopu, duranti, mentri chì, intantu, prima, à spessu, mai, à principiu, in fini, da...à..., in freccia/ à bon'ora, prestu, tardi, ogni/ugni, tutti, arrimani/eri, arrisera/eri sera, l'altu ghjornu, scorsu/passatu, (un mesi) fà, prossimu/chì veni, un antru (annu), u prima, l'ultimu...

-I ghjorni, i mesi, i staghjoni, l'ora

-Aghjittivi : insunnatu/insunnulitu-svighjatu/discitatu, famitu-saziu, cuntentu-azezu-dilusu, pinsirosu-spinsiratu, travagliadori-pultroni/tranchju...

-Verbi : pisà si, chjinà si, dorma, vighjà, principià, compia, finiscia, andà, ghjugna/ghjunghje, parta, vultà, ghjucà, spassighjà, travaglià/travaddà, magnà/manghjà...

-I vucichjuli : Mì ! Heu ! Àù ! Pù ! Umbè ! Ischia ! Ii ! Indè ! Chè...

Gramatica :

-U priseni di l'indicativu : essa, avè, andà, cuddà, magnà, ghjugna, parta, dorma, coglia, veda, vena

-U futuru vicinu : tutti i verbi studiati à u priseni

-U futuru semplici : si farà casu à a svucalatura (dorma, coglia, veda, vena...)

-U passatu cumpostu : andà, gruppu « cantà », fà, dì, ghjugna, parta, dorma, coglia, metta, vena, veda

-U suffissu *-ata* : insegna a durata (ghjurnata), a qualità (falata), u colpu (incapata), u risultatu d'azzioni (annata, risata), a misura, u cuntinutu (manata, cuchjarata).

Attenti à a svucalatura : notti/nuttata.

Funulugia :

-/p/ : a scunsunatura si senti in i parlati supranacci.

-/gl/ : [ʎ] *travagliu* o [d] *travaddu* o [ʝ] *travaghju* (Aiacciu)/ [j] *figliolu*. Di regula, attenti à ùn cunfonda [ʎ] cù [ʝ] : pigliu - peghju.

Discorsu in cuntinuvu :

U sughjettu pò ghjuvà da pruduzzioni scritta.

- Prisentà a ghjurnata di un scularu, di un travagliadori o altu. Si pò fà un filmettu, una intervista...

-Prisentà un prugramma (sinemà, festivali, cullittività, associu...) à nant'à un situ internet, una radiu, una televisiò, u ghjurnali.

Cuntrastata :

-Fà un ghjocu cù un cumpagnu (o parechji cumpagni) da induvinà una parsona o un locu à parta si da i so abitudini (es : À chì ora apri ? Chì ghjornu ci v'ha à travaglià ?...).

Cultura :

-L'attività in paesi :

.l'agricultura, l'ortu

.l'allevu

.a spassighjata

.a pesca

-L'attività in cità :

.u sport

.u sinema

.a musica, u baddu

.i musei

Si pudarà cunsultà i siti internet di i cullittività lucali (municipalità...), di l'associ (cultura, sport...), di i musei...